



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 54/18 – prečišćeni tekst, 17/20 i 24/20), Zaključka Skupštine Brčko distrikta BiH broj: 01-02-939/20 od 18. 6. 2020. godine, i Prijedloga zaključka Komisije za rad, zdravstvo i socijalnu zaštitu Skupštine Brčko distrikta BiH, broj: 01.10-05- 807 /20 od 28 .7. 2020. godine, Skupština Brčko distrikta BiH, na I nastavku 20. vanredne sjednice održanom 29. jula 2020. godine, donosi

ZAKLJUČAK
O PROGRAMU MJERA S ROKOVIMA I ODGOVORNIM INSTITUCIJAMA U OBLASTI
JAVNOG ZDRAVSTVA BRČKO DISTRIKTA BOSNE I
HERCEGOVINE

Član 1

Ovim Zaključkom Skupština Brčko distrikta BiH utvrđuje Program mjera s rokovima i odgovornim institucijama u oblasti javnog zdravstva Brčko distrikta BiH, kako slijedi:

REDNI BROJ	MJERE ZA IMPLEMENTACIJU	INSTITUCIJE - NOSIOCI AKTIVNOSTI ZA IMPLEMENTACIJU MJERA	ROK ZA IMPLEMENTACIJU
1.	Realizacija Zaključka Skupštine broj: 01-02-862720 od 29. 4. 2020. godine	-Menadžment JZU „Zdravstveni centar Brčko“ - Upravni odbor JZU	august 2020.
2.	Izvršiti dopune Pravilnika o specijalizacijama, na način da se omogući eksterni konkurs za prijem specijalizanata	-Vlada Brčko distrikta BiH	august 2020.
3.	Raspisati javni poziv za specijalizacije u skladu s potrebama JZU „Zdravstveni centar Brčko“	-Vlada Brčko distrikta BiH	oktobar 2020.
4.	Izvršiti prenos kapitalnih sredstava na račun JZU za realizaciju nabavke opreme prema potrebama	-Odjeljenje za zdravstvo i ostale usluge -JZU “Zdravstveni centar Brčko“ -Direkcija za finansije	rebalans Budžeta Brčko distrikta BiH za 2020. godinu

5.	Osnovati Zavod - Centar za hitnu pomoć s isturenim jedinicama u zdravstvenim centrima Brčko distrikta BiH, a u međuvremenu formirati timove za pružanje hitne medicinske pomoći pri Urgentnom centru i zdravstvenim centrima u Brčko distriktu BiH koji će pružati ljekarsku pomoć na terenu (tim-vozač, tehničar i doktor)	-Odjeljenje za zdravstvo i ostale usluge -JZU „Zdravstveni centar Brčko“	decembar 2021.
6.	Dostaviti nacрте-prijedloge standarda i normativa Komisiji za rad, zdravstvo i socijalnu zaštitu	- Odjeljenje za zdravstvo i ostale usluge - JZU -Fond zdravstvenog osiguranja	septembar 2020.
7.	Citostatska ampulirana terapija koja je neophodna za liječenje malignih oboljenja mora biti stavljena u listu Bolnice, te omogućiti primjenu iste u bolničkim uslovima	-JZU „Zdravstveni centar Brčko“ -Fond zdravstvenog osiguranja	septembar 2020.
8.	Donijeti pravilnik o proceduri prikupljanja novčanih sredstava u humanitarne svrhe za liječenje građana Brčko distrikta BiH	-Odjeljenje za zdravstvo u saradnji s Fondom zdravstvenog osiguranja i Policijom Brčko distrikta BiH	septembar 2020.
9.	U sastav onkološkog konzilija uključiti predstavnike zdravstvenih ustanova referentnih centara s kojima Fond zdravstvenog osiguranja ima sklopljen ugovor o liječenju pacijenata Brčko distrikta BiH	-Šef Odjeljenja za zdravstvo i ostale usluge -JZU „Zdravstveni centar Brčko“ -Fond zdravstvenog osiguranja	septembar 2020.
10.	Sprovesti Zaključak Skupštine Brčko distrikta BiH o uspostavi javne apotekarske ustanove	-Odjeljenje za zdravstvo i ostale usluge	decembar 2020
11.	Pokrenuti proceduru tenderske dokumentacije za nabavku magnetne rezonance	-JZU „Zdravstveni centar Brčko“	septembar 2020.
12.	Aktivirati Ljekarsku komoru	Komisija za rad, zdravstvo i socijalnu zaštitu Skupštine Brčko distrikta BiH	septembar 2021.
13.	Uspostaviti hospis u bolničkoj ustanovi za	-Menadžment JZU -Odjeljenje za zdravstvo i	decembar 2020.

	pacijente oboljele od maligne bolesti	ostale usluge	
14.	Povezati timove porodične medicine i Fond zdravstvenog osiguranja u sistem informatizacije	-Fond zdravstvenog osiguranja	septembar 2021.
15.	Staviti u primjenu salu u bolničkoj ustanovi za oftalmološke operacije	-Menadžment JZU „Zdravstveni centar Brčko“	decembar 2020.
16.	Ojačati kapacitete u Odjeljenju za zdravstvo (ljekari, farmaceuti, pravnici, ekonomisti) za kvalitetnije provođenje zdravstvene politike u Brčko distriktu BiH	-Vlada Brčko distrikta BiH	septembar 2020

Član 2

Ovaj Zaključak stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-956/20
Brčko, 29. 7. 2020. godine

PREDSJEDNIK
SKUPŠTINE BRČKO DISTRIKTA BiH
Esed Kadrić

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za zdravstvo i ostale usluge Vlade
5. Komisiji za rad, zdravstvo i socijalnu zaštitu
6. JZU „Zdravstveni centar Brčko“ Brčko distrikt BiH
7. Fondu zdravstvenog osiguranja Brčko distrikta BiH
8. Sektoru za opće poslove i strateško planiranje
9. Arhivi